

ASESIAD A CHYNLLUN GWASTRAFF RHANBARTHOL DE-ORLLEWIN CYMRU

CYFARFOD Y GRŴP SWYDDOGION TECHNEGOL

Nodiadau'r cyfarfod a gynhaliwyd am 10.30am, Dydd Mercher, 25 Ionawr 2006
yn yr Ystafell Gynadledda, Canolfan Ddinesig Penllergaer.

Yn Bresennol

Geoff White (Cadeirydd)	CBS Castell-nedd Port Talbot
Ceri Morris	CBS Castell-nedd Port Talbot
Owain Lewis	CBS Castell-nedd Port Talbot
Howell Beaton	CBS Castell-nedd Port Talbot
Vaughan Thomas	CBS Castell-nedd Port Talbot
Carol A Williams	CS Benfro / APCASB
Dave Harries	Cyngor Sir Penfro
Neil Bateman	Cyngor Sir Gaerfyrddin
Hugh Towns	Cyngor Sir Gaerfyrddin
Phil Williams	Cyngor Sir Gaerfyrddin
Alison Thomas	Dinas a Sir Abertawe
Roy Probert	Dinas a Sir Abertawe
Steve Bool	Cyngor Bwrdeistref Sirol Pen-y-bont ar Ogwr
Audrey Evans	Asiantaeth yr Amgylchedd (De-orllewin Cymru)
Miranda Lewis	Asiantaeth yr Amgylchedd Cymru
Mark Watson	Asiantaeth yr Amgylchedd Cymru
Sue Martin	Llywodraeth Cynulliad Cymru
Adrian Jones	Llywodraeth Cynulliad Cymru (Uned Strategaeth Gwastraff)

1. Ymddiheuriadau

Ruth Brown	Awdurdod Parc Cenedlaethol Bannau Brycheiniog
Philip Marks	CYLCH
Karen Maddock-Jones	CCW
Graham Bishop	Ymddiriedolaeth yr Amgylchedd Cymru
Graham Dorrington	Cyngor Sir Ceredigion
Nick Oakes	Cyngor Sir Ceredigion
Huw Jenkins	Cyngor Bwrdeistref Sirol Pen-y-bont

2. Cofnodion y Cyfarfod ar y Cyd rhwng y Grŵp Technegol a Fforwm yr Aelodau ar 18 Hydref '05

Cytunwyd bod y cofnodion yn gofnod cywir.

Eitem 5: Y Protocol ar gyfer Ymchwil Fapio GIS – Nododd SM fod y Protocol drafft wedi cael ei lunio ond bod hepgor data ynglŷn ag Awdurdod Parc Cenedlaethol Eryri wedi arwain at oedi cyn ei ddsbarthu.

Mae RPS wedi diweddarau'r ymchwil a bydd y tri Chydlynnydd Rhanbarthol, ynghyd â phob awdurdod lleol ar draws y gogledd, yn derbyn cyfres o fapiau a DVD diwygiedig cyn bo hir. **Gweithredu:** SM i ddsbarthu'r Protocol pan fydd hynny'n briodol.

3. Adroddiad ar Wastraff Peryglus – Y Diweddaraf ynglŷn â'i Gymeradwyo

Dyma'r hyn a nododd y swyddogion o ran cymeradwyo'r 'Adroddiad ar Wastraff Peryglus':

APC Bannau Brycheiniog:	Wedi'i gymeradwyo (Tachwedd 2005)
CBS Pen-y-bont ar Ogwr:	I'w gadarnhau. Gweithredu: SB.
CS Gaerfyrddin:	I'w gadarnhau. Gweithredu: HT
CS Ceredigion:	I'w gadarnhau. Gweithredu: GD.
Dinas a Sir Abertawe:	Wedi'i gymeradwyo (Tachwedd 2005)
CBS Castell-nedd PT:	Wedi gymeradwyo (Tachwedd 2005)
CS Benfro:	Wedi'i gymeradwyo (Tachwedd 2005)
APC Arfordir Sir Benfro:	Wedi'i gymeradwyo (Tachwedd 2005)

Gweithredu: CM i hysbysu LICC ar ôl cymeradwyo'r Adroddiad yn llawn.

4. Contract y Grŵp Gwastraff Rhanbarthol

- **Adroddiad Monitro Blynyddol 2006** [*Data gan Awdurdodau Lleol*]

Wrth gyfeirio at ddrafft cyntaf pennawd yr AMB a ddosbarthwyd, sy'n ymwneud â chyfleusterau'r rhanbarth, rhoddodd CM grynodeb byr o'r cynnwys gan nodi bod y pennawd yn dilyn yr un fformat ag AMB 2005.

Cadarnhaodd CM fod cryn dipyn o'r data a gyflwynwyd yn y drafft presennol yn deillio o'r papurau a ddosbarthwyd yn dilyn cyfarfod Grŵp Rheolwyr Gwastraff De-orllewin Cymru. Felly, gofynnwyd i swyddogion wirio'r wybodaeth yn y gwahanol dablau. **Gweithredu:** Pob Swyddog ALL.

Wrth amlygu'r bylchau sy'n parhau yn y wybodaeth, cafodd swyddogion awdurdodau lleol eu hatgoffa unwaith eto am y data sy'n ofynnol ar bob awdurdod cydrannol a gofynnwyd iddynt ddarparu'r wybodaeth cyn gynted â phosib. **Cytunwyd** y dylai swyddogion awdurdodau lleol gyflawni'r gwiriadau angenrheidiol a darparu'r holl wybodaeth ddyledus erbyn dydd Gwener, 3 Chwefror. **Gweithredu:** Pob Swyddog ALL.

Adran 4.3 Cyfleusterau – Presennol, sy'n Cael eu Datblygu ac sydd yn yr Arfaeth: Awgrymwyd y gellid gwella'r wybodaeth a gyflwynwyd yn y gwahanol ffigurau trwy ddarparu manylion gan gynnwys 'Rhifau Awdurdodi' a chyfeiriadau. **Gweithredu:** AA i ddarparu'r data. **Gweithredu:** CM i wneud cais i'r AA caniatáu mynd at y data.

Cytunwyd bod angen egluro diffiniad '*Arfaethedig*'. **Gweithredu:** CM i geisio diffiniad sy'n gyson â'r Awdurdodau Arweiniol eraill.

Cytunwyd hefyd bod angen dyddiad cau ar gyfer yr hyn y dylid ei gynnwys yn yr AMB. **Gweithredu:** CM i geisio cytundeb â'r Awdurdodau Arweiniol eraill.

- **Cynnwys ac Ymagwedd Adolygiad Cyntaf y CGRh**
[*Cwestiynau i'w Trafod /Goblygiadau Amserlen*]

Cyfeiriodd GW at yr adroddiad a ddosbarthwyd ynghylch Cynnwys ac Ymagwedd Adolygiad Cyntaf y CGRh. Nodwyd i'r adroddiad gael ei baratoi ar ran y tair rhanbarth a chael ei lunio ar ôl trafodaethau ar lefel Cymru gyfan.

Cyn trafod pob un o'r cwestiynau allweddol yn yr Adroddiad Crynhoi, tynnodd GW sylw'r grŵp at eiriad y 'Weledigaeth' a sbardunodd drafodaeth ynghylch 'Beth ddylai Adolygiad Cyntaf y CGRh geisio'i gyflawni. Nodwyd y pwyntiau canlynol:

- Mae'r ffordd yr ymdrinnir â'r elfen ofodol yn allweddol i'r Adolygiad Cyntaf;

- Mae angen bod yn glir am yr hyn bydd y rhanbarth yn ei gynllunio a'r hyn mae'r Grŵp am ei gyflawni;
- Nid yw cynnydd Ymchwil Fapio GIS wedi datblygu mor bell â hynny. Mae angen mireinio'r mapiau cyfansawdd ymhellach er mwyn datblygu 'ardaloedd chwilio';
- Un dull posib o symud ymlaen yw nodi ardaloedd o fewn 'ardaloedd chwilio' 1 a 2;
- Byddai nodi un 'ardal chwilio' ym mhob awdurdod lleol ar draws y rhanbarth yn ddewis amgen;
- Manteision nodi 'ardaloedd chwilio' yw y bydd yn rhoi mwy o sicrwydd i ddatblygwyr a swyddogion cynllunio lleol;
- Mae angen rhoi ystyriaeth ofalus i gymeradwyo'r cynllun yn wleidyddol.

Nododd CM fod y tri awdurdod cydlynu wedi trafod yn hir yr ymagwedd y gellid ei chymryd i nodi 'ardaloedd chwilio' yn y lle cyntaf ac, yn ail, cynnal ACE ar gyfer y broses, a dulliau posib i'r tair rhanbarth weithio gyda'i gilydd i leihau costau. Nodwyd bod cyfarfod â RPS wedi cael ei drefnu ar gyfer yr wythnos nesaf i drafod ffordd bosib ymlaen. **Gweithredu:** CM i ddsbarthu manylion y cyfarfod.

Cytunwyd hefyd i baratoi papur briffio ar gyfer yr aelodau i amlinellu sut y dylid ymateb i'r broses o ddatblygu'r elfen ofodol. **Gweithredu:** CM.

Codwyd y gofyniad am ACE unwaith eto gan yr awgrymwyd nad oes angen ACE ar y CGRh yn ôl y gyfraith. **Cytunwyd** bod penderfynu a oes angen cynnal ACE yn hollbwysig i'r gwaith o lunio'r Adolygiad Cyntaf. **Gweithredu:** SM i chwilio am farn gyfreithiol pendant ac adrodd yn ôl i'r tri awdurdod cydlynu cyn gynted â phosib.

Cododd GW hefyd yr angen i ddarparu diweddariadau ynglŷn â'r cynnydd wrth lunio 'Dogfen Cychwyn Prosiect' (DCP) Cynllun Gofodol Cymru ar gyfer y Strategaeth Gwastraff. **Gweithredu:** CM i gysylltu â Martin Hooker.

Yna ymdriniwyd â phob un o'r cwestiynau hyn yn ei dro a nodwyd a **chytunwyd** ar y pwyntiau canlynol:

C1: A yw'r Weledigaeth, y Nodau a'r Amcanion arfaethedig yn ddigonol? A oes modd eu gwella?

Cytunwyd ar y diwygiad canlynol i eiriad y Weledigaeth "...Er mwyn darparu fframwaith cynllunio defnydd tir ar gyfer rheoli gwastraff ac adfer adnoddau mewn modd **cynaliadwy** yn ne-orllewin Cymru sydd â'r nodau canlynol..."

Cytunwyd ar y weledigaeth, y nodau a'r amcanion arfaethedig, yn amodol ar ychydig o aileirio.

C2: A yw'r Dewisiadau arfaethedig yn ddigonol? A oes modd eu gwella?

Cytunwyd bod y Dewisiadau arfaethedig yn ddigonol. Fodd bynnag, mynegwyd pryder ynghylch defnyddio'r term 'Llogfa dorfol'. Gellid defnyddio 'Triniaeth Thermol Arall' yn ei le. **Gweithredu:** CM i drafod aileirio posib â'r Awdurdodau Arweiniol eraill.

Paragraff 5 (pwynt bwled cyntaf): **Cytunwyd** bod angen i Fforwm yr Aelodau gymeradwyo'r penderfyniad i fabwysiadu'r ymagwedd 'Gwneud Mwy' fel man cychwyn yr adolygiad (h.y. peidio ag ystyried y Dewisiadau nad ydynt yn cyflawni targed Cyfarwydd Tirlenwi BMW 2020 erbyn 2013). Hefyd nodwyd bod angen cyfeirio at y cafeat yn y CGRh "...y disgwylir diddymu dyraniadau CDU yn raddol a chynnwys, fel isafswm, y targedau statudol ar gyfer 2013, er mwyn lleihau unrhyw falltod a allai ddigwydd fel arall o ganlyniad i or-ddyrannu tir i fodloni'r targedau uchelgeisiol..." **Gweithredu:** CM.

C3: A oes angen Dewis 'Gwneud Dim Byd' ar gyfer yr adolygiad hwn?

Cytunwyd bod angen Dewis 'Gwneud Dim Byd'.

C4: Ydy'r lefelau gofynnol o ailgylchu a chompostio ('uchel' neu 'uchafswm') wedi cael eu nodi'n

gywir ar gyfer Dewisiadau arfaethedig 1-4?

Cytunwyd bod y lefelau gofynnol o ailgylchu a chompostio wedi cael eu nodi'n gywir.

C5: A yw blwyddyn asesu arfaethedig 2013 yn addas? Am ba resymau y dylai/gallai fod yn wahanol?

Cytunwyd bod blwyddyn asesu arfaethedig 2013 yn addas.

C6: Ydy'n ddymunol i'r CGRh wedi'i adolygu gynnwys rhestr o safleoedd cyflogaeth addas sydd naill ai wedi cael eu dyrannu neu fod wedi derbyn caniatâd cynllunio?

Cytunwyd y dylai'r CGRh gynnwys rhestr o safleoedd cyflogaeth addas sydd naill ai wedi cael eu dyrannu neu fod wedi derbyn caniatâd cynllunio.

C7a: A yw ymrwymiad LICC i'r UE y bydd Cymru gyfan wedi mabwysiadu CDU neu CDLI erbyn 2010 yn realistig?

Mynegodd swyddogion ansicrwydd y bydd CDU neu CDLI wedi cael ei fabwysiadu'n gyfan gwbl erbyn 2010. O ystyried bod dyddiad cau yr ACE bron â chyrraedd, mae'n bosib na fydd rhai awdurdodau'n parhau i fabwysiadu eu CDU yn ffurfiol.

C7b-7d: Mae'r rhain i gyd yn cyfeirio at y broses o nodi 'ardaloedd chwilio'. Cyn trafod y cwestiynau hyn, **cytunodd** y Grŵp i aros am ganlyniad y cyfarfod gyda'r SCRh.

C8: A yw'n ddymunol i'r CGRh a adolygwyd ystyried goblygiadau'r system 'datblygiad a ganiateir' ar gyfer yr amrywiaeth o gyfleusterau y gofynnir amdano gan y Strategaeth Gwastraff Ranbarthol?

Cytunwyd y dylai'r CGRh ystyried goblygiad 'hawliau datblygiad a ganiateir'.

C9a-C16: Mae'r rhain i gyd yn cyfeirio at yr ACE. Cyn trafod y cwestiynau hyn, **cytunodd** y Grŵp i aros am farn gyfreithiol derfynol LICC o ran a oes angen ACE ar gyfer yr adolygiad cyntaf ai peidio.

C17: A yw'r amcanion a'r dangosyddion arfaethedig ar gyfer yr Asesiad Cynladwyedd o'r Dewisiadau'n ddigonol?

Cytunodd bod yr amcanion a'r dangosyddion arfaethedig yn ddigonol.

C18: A gytunwyd bod y dulliau arfarnu'n parhau i fod y rhai mwyaf addas ac y dylid eu defnyddio fel y dulliau arfarnu ar gyfer Adolygiad y CGRh o ganlyniad i hynny?

Cytunodd bod y dulliau arfarnu'n parhau i fod y rhai mwyaf addas.

C19: A gytunwyd y dylid cyflogi ymgynghorwyr i gynnal Asesiad Effaith ar Iechyd ar gyfer Adolygiad y CGRh?

Cytunwyd y dylid cyflogi ymgynghorwyr i gynnal yr AEI. Nodwyd ei fod yn debygol y caiff ei weithredu ar lefel Cymru gyfan.

C20: A yw'r 'Strategaeth Ymgynghori Fersiwn 1' arfaethedig yn ddigonol? A oes modd ei gwella?

Cytunwyd ar y Strategaeth Ymgynghori arfaethedig.

C21: A gytunwyd y dylid cyflogi ymgynghorwyr ymchwil i gynnal arolwg ystadegol wedi'i strwythuro ar gyfer yr ymarfer ymgynghori yn Adolygiad cyntaf y CGRh drafft a'r Adroddiad Amgylcheddol ACE?

Cytunwyd y dylid cyflogi ymgynghorwyr ymchwil i gynnal arolwg ystadegol wedi'i strwythuro.

C 22: A oes modd gwella'r amserlen arfaethedig?

Nododd GW fod dwy agwedd o'r gwaith a allai rwystro ymdrechion i gwblhau'r prosiect erbyn Mawrth 2007 – sef nodi a chynnal ACE o'r 'Ardaloedd Chwilio' a gwaith yr Asesiad Cylch Bywyd os nad yw meddalwedd WRATE yr AA ar gael mewn pryd.

Nododd MW y dylai'r meddalwedd fod ar gael erbyn mis Ebrill, yn dilyn Adolygiad Cyfoedion a gynhelir ym mis Mawrth.

Nododd CM fod cyfarfod Cymru gyfan wedi cael ei drefnu ar gyfer 7 Chwefror i drafod posibilrwydd y bydd yr amserlen yn gor-redeg – awgrymwyd ychwanegu estyniad chwe mis at y contract presennol fel ffordd o symud ymlaen. **Cytunwyd** i aros am ganlyniad y cyfarfod Cymru gyfan cyn cytuno ar amserlen.

5. **Dyddiad y Cyfarfod Nesaf**

Cytunwyd y cynhelir y cyfarfod nesaf am 10.30 fore Mercher, 8 Mawrth.

6. **Unrhyw Fater Arall**

Cyfeiriodd CM at y llythyr a dderbyniwyd oddi wrth Fforwm Economaidd Rhanbarthol De-orllewin Cymru (FfERhDC) yn gofyn a fyddai gan rywun ddiddordeb mewn sefydlu rhyw fath o berthynas ffurfiol. Cytunwyd y dylid gwneud pob ymdrech i sefydlu cysylltiad rhwng gwaith y grwpiau. **Gweithredu:** CM.

Nododd SM y bydd deddfwriaeth ynglŷn â 'Ffioedd Cynllunio Monitro' yn dod i rym ar 1 Ebrill 2006. Bydd y ddeddfwriaeth yn galluogi awdurdodau lleol i hawlio ffi am y gwaith arferol o fonitro caniatâd cynllunio ar gyfer safleoedd tirlenwi a mwynau.

Nododd AJ y darperir cyfleodd hyfforddi mewn 'technolegau gwastraff newydd' ar gyfer swyddogion ac aelodau yn y gwanwyn / yr haf. ENVIROS fydd yn cynnal y seminarau. **Gweithredu:** AJ i roi dyddiadau'r seminarau i'r tri Awdurdod Cydlyn.